

INDEX GEOGRAPHICUS

E T

EXPLICATIO REGIONUM,

*Et Locorum omnium in utraque Tabula Geographiæ Sacræ descripto-
rum; Rerumque in iis sub utroque Testamento maximè memorabilium brevissima
Enarratio. Authore N. SANSON Abavillæo, & Christianiss. Galliarum
Regis Geographo.*

A Bana fluvius, 4. Reg. 5. v. 10--14. Cum Naaman Syrus indignaretur, quod Elifæus, se allocutus, jussisset tantum, ut septies lavaret se in Jordane à lepra mundaturus: Nunquid, ait, non meliores sunt Abana, & Pharphar fluvii Damasci omnibus aquis Israël, ut laver in eis, & munder? Attamen & ipse à suis monitus, ut faceret id quod Propheta jusserat statim in Jordane lavavit se & mundatus est. Abana putatur ad Urbem ipsam Damascum fluvius.

Abarim montes, in Tribu Ruben, Numer. 17. v. 12. Dixit Dominus ad Moysen: Ascende in montem istum Abarim, & contemplare inde Terram, quam daturus sum filiis Israël, cap. 33. v. 47. de Israëlitarum mansionibus. Egressique de Helmondeblathaim venerunt ad montes Abarim, contra Nebo. v. 48. profectique de montibus Abarim, transierunt ad campestria Moab, supra Jordanem contra Jericho. Sunt ergo montes Abarim inter Helmondeblathaim, & campestria Moab, quæ contra Jericho.

Abdon, Abran, Madon. Unius, ejusdemque Urbis varia sunt nomina. Abran (legunt alii Acran, aut Achran) ex Josue 19. v. 28. Urbs in sorte filiorum Aser duodecima, aut decimaquarta describitur, inter Chabul & Rohob. V. Animadv. Abdon mihi eadem est ex ipso etiam Josue 21. v. 30. inter Urbes, quæ è Tribu Aser assumptæ, Levitis ex familia Gerson filiis datæ sunt. Sic & 1. Paralip. 6. v. 75. Abdon Levitica Urbs est. Eadem quoque mihi est Madon, B mutato in M, ut sæpè aliàs, & inversâ primâ syllabâ. Urbs ipsa Madon, regia fuit, Josue 11. v. 1. Jabin rex Asor misit ad Jobab Regem Madon, & 12. v. 19. Rex Madon unus inter reges à Josue devictos, cæcosque. Nec amplius ulla mentio nominum Abdon, Abran, Madon.

Abel, Abella, Judic. 11. v. 32. Transivit Jephthe ad filios Ammon ut pugnaret contra eos v. 33. percussitque ab Aroër, usque dum veniat in Mennith, viginti civitates, & usque ad Abel, quæ est vineis confita. Hieronymus & post Hieronymum Adrichomius geminam hujus nominis faciunt Urbem: alteram inter Ammonitas, & quæ à Philadelphia septimo absit milliario; eamque ponit Adrichomius in Tribu Gad, & facit vineis confitam: alteram quæ duodecimo sit à Gadaris milliario, eaque vino fertilis, hanc Adrichomius locat 2. in Manasse. Ex iis unicam facimus in Manasse. Ea etenim ex Jud. 11. v. 33. inter Ammonitas est, & vineis confita, septimoque abest à Philadelphia milliario, duodecimo à Gadaris. Vide Pella.

Abela, Abel-Maacha, Abel-Beth-Maacha, Beth-Maacha, Abel-Domus-Maacha, & Abelmaim; mihi eadem Urbs est, 2. Reg. 20. v. 14. Ille (Seba) transierat per omnes Tribus Israël in Abelam & Beth-Maacha (lego Abelam, quæ Beth-Maacha i. Domus-Maacha) omnesque Viri electi congregati fuerunt ad eum; v. 15. venerunt itaque (Joab & Abisai) & oppugnabant eum (Sebam) in Abela & in Beth-Maacha (lego Abela, quæ est Beth-Maacha) & circumdederunt munitionibus civitatem, & obsessa est urbs. Omnis autem turba, quæ erat cum Joab, moliebatur destruere muros, v. 22. sed abscisso Sebæ capite, & è muris ejecto, recessit Joab, 3. Reg. 15. v. 20. Acquiescens Benadad Regi (Iudæ) Asa, misit principes exercitus sui in civitates Israël, & per-

Latit.
Gr. Scr.

Longit.
Gr. Scr.

31. 20. 69. 5.

31. 30. 67. 30.

33. 7. 67. 17. $\frac{1}{2}$

32. 26. 68. 4.

33. 5. 67. 43.